

獲嘉縣志卷九

風俗

紂爲不道而商俗靡靡洎文王之化行而江漢游女不可求兔置野人皆干城
上選風俗之淳澆固視政教之善敗爲轉移哉獲嘉僻處河朔介懷衛之間民
生鮮見外事俗淳樸號稱易治入民國後政教迭更智識雖已漸開而禮教似
覺稍替統民德民智而並進之以成風俗之美是在爲民上者志風俗

民族特性

山堂考索俗剛強多豪傑

文獻通考仗氣任俠

郡志俗尙儉樸不事浮靡

郡志士知節義人多向學

按以上係舊志試再分述如下

尊天命 天命二字倡自孔孟士之服膺孔教敦品勵行者類能順時聽天守分安命不敢妄生覬覦若當窮困患難頗能見危授命上如賀仲軾公之捐軀報國下如閭巷間之烈女節婦從容就義所在多有此實獲嘉民族之特性惟信仰天命過篤往往諉過於天以自解近自優勝劣敗之說倡漸知天之爲物虛無縹緲亦多趨重於人事矣

敬祖宗 家族思想最勝故敦宗睦族孝友之風流於庭闈凡事必則古稱先一遵成憲惟重古太甚勢必輕今人多富於依賴性質不能進取近自進化之理日明此風亦已少變

重文學 全縣民族約計十之五六束身文教雍容爾雅四郊多絃誦之聲近因國家多故變亂迭乘士之投筆從戎者所在多有尙武精神爲之一振

嫺儀式 獲嘉氣候溫和適宜農作但能力穡即可有秋不必過事勞動如寒帶民族自足維持生活故得有餘暇以從事儀節婚葬則物務求備宴會則筵必從豐

如有違背羣起責難此種特性乃土地氣候之關係由於人爲者半由於天然者亦半

崇階級 父子夫婦主僕姑媳之間儼然有一種天然階級不容逾越於是尊者愈尊卑者愈卑階級所在幾若習與性成於是民族之間雖一人之身亦養成自尊自屈兩種特性

好貨財 葛屨刺褊心沮洳譏無度獲嘉在戰國屬魏至今猶有魏風視金錢如性命鎔銖不肯浪費以之殖貨洵計之良惟嗜利之心過重下流社會往往因財產關係激成家庭之變

宗教

佛教

佛教宗主爲釋迦牟尼自漢明帝時始入中國厥後分爲曹洞臨濟沩仰雲門法眼五宗所闡佛理博大精奧實爲最高尙之哲學獲嘉高僧前代亦不乏人自不學僧

侶藉擘經禮懺以謀衣食以婆羅門多神說迎合社會愚民盲昧心理而崇拜偶像之說遂起甚且草木鳥獸靡不奉爲神靈一般社會之迷信如癡如狂實足爲科學進化之障礙民國初年因破除迷信僧侶多遭驅逐廟產移歸學校實爲該教一大厄運今將該教各派分述於後

曹洞派 按禪門曰誦載達摩祖師下第十一代洞山良价大師法號悟本紹隆祖位付法一十九人從此遂立曹洞一派衍二十四字續十六字共四十字至前明萬歷年間獲嘉縣崇興寺僧會司永慶復續二十字曰慶首緒先宗珍珠古大松寂寞傳心印法界遍流通前清同治十二年崇興寺僧珠潤復續四十字迄今尙未用也試將該派在獲嘉者列表如下

獲嘉縣佛教曹洞派一覽表

寺名	地址	世數	香火地	現狀	備考
崇興寺	在縣城北	傳至松字	約六七頃	現留僧松崗等二人	

火神廟

在大位庄

傳至寂字

三十畝

現無僧

按該廟昔年由崇興寺松岩住持

在孝合村

興隆寺

在馮村迤西

傳至古字

二十畝

現有僧五人

寂照寺

在孫靳村

傳至緒字

百畝

現無人地歸公

按該寺僧人爲緒淨緒誠

在泰山廟

傳至珠字

四十畝

現無人地歸公

按該寺僧爲珠熙

在史庄

傳至寂字

三十畝

現無人地歸公

按該寺自古字後由崇興寺撥僧大墀住持

在大林村

傳至大字

五十畝

現無人地歸公

按該寺亦因無人由大典住持

又雪庭福裕禪師亦達摩後曹溪六祖直下法嗣從鵲山第三世下復衍曹洞一

派共七十字曰福慧智自覺了本原可悟周宏普廣通道慶同少祖清淨眞如海

湛寂淳貞素德行永延恒妙體常堅固心朗照幽深性明鑒宗祚成理正善禧謹

愍原濟度雪庭爲導師引汝歸玄路萬安禪師從雪庭派十四世起復衍三十二

字同治十二年洪慈寺祥洲復衍四十字又續六十四字崇禎十二年續三十二

字迄今尙未用也試將該派在獲嘉者列表如下

獲嘉縣佛教曹洞福裕派一覽表

寺名	地址	世數	香火地	現狀	備考
天仙廟	在城東關	傳至淳字	七十畝	現留僧一人	按該廟留地十四畝由僧洪禪奉香火餘地歸建設
崇寧寺	在程遇村	傳至淨字	約一頃	現留僧一人	按該寺地除酌留少許歸僧淨源奉香火外餘歸公
觀音寺	在豐樂屯	傳至海字	七十畝	校現無僧地歸學	
關帝廟	在望高樓	傳至寂字	三十畝	校現無僧地歸學	
后土廟	在雙陵村	傳至海字	五十畝	現留僧一人	按該廟酌留香火地十畝歸僧人海順奉祀
三官廟	在西關北	傳至海字	十七畝	校現無僧地歸學	
大王廟	在西關西	傳至海字	三十餘畝	校現無僧地歸學	
	在淹溝村	傳至眞字	三十畝	校現無僧地歸學	
關帝廟	城內北牌	傳至淳字	一百一十餘畝	校現無僧地歸學	

觀音寺	在徐營	傳至如字	七十畝	校現無僧地歸學	
彌陀寺	在張巨寨	傳至淳字	二百餘畝	校現無僧地歸學	
崇興寺	在高廟村	傳至海字	百餘畝	現留僧一人	按該寺地除歸公外酌留少許歸僧人如崑奉香火
寂照寺	在刺狐寺	傳至湛字	百餘畝	校現無僧地歸學	按該寺世謂之南寂照寺因與靳村同名也
呂祖廟	在吳庄	傳至寂字	三十畝	現留僧一人	按該廟地除歸公外酌留少許由僧人洪舟奉香火
關帝廟	在五福	傳至淳字	未詳	現無僧	按該廟前係彌陀寺僧人住持
夜雨寺	在三橋	傳至湛字	二百餘畝	現無僧	按該寺前係僧人淳心住持現地歸教育局
臨濟派	按禪門曰誦載達摩後九世百丈懷海大師下分黃蘗潯山二支黃蘗				
希運禪師下在大名鎮滹沱河邊建臨濟院遂創立臨濟一派茲將該派在獲嘉					
者列表如下					
獲嘉縣佛教臨濟派一覽表					
寺名地址世數香火地現狀備考					

河南獲嘉縣志

淨雲寺

在縣城東關

傳至常字

舊有二頃十六畝
又七頃五十八畝八
分二釐三毫

現無僧

按該寺於民國十六年改建設局地畝歸
建設教育兩局民國二十二年改局設科
留為農場苗圃

登覺寺

在贊城和庄中
間

傳至常字

約一百四十畝

現無僧地歸學

現改為第七小學校以僧常興
充勤務

蟲王廟

在陶村

傳至性字

約五十畝

現無僧地歸學

登覺寺

在大辛庄

傳至真字

一頃六十畝

現無僧地歸學

按該寺自咸豐八年縣民李登蟾糾衆拒
官敗後奉令焚燬至民國楊清魁之母饒
資修築現又燬然一新

文殊菴

在中和鎮

傳至學字

僅足維持香火

現僧人法名覺
貞

天仙廟

在亢村東北

傳至同字

現無僧地歸學

按該廟民國十七年改為縣立
第三小學校

洪福寺

在岳寨東南

現無僧

瀉仰派

按禪門曰誦載芭蕉慧清禪師與徒繼徹禪師共立一派衍二十字瀉

山靈佑祖師下出仰山慧寂大師父子道合從此遂創立瀉仰宗派衍二十字

獲嘉縣佛教瀉仰派一覽表

寺名

地址

世數

香火地

現狀

備

考

法雲寺

在劉固堤

傳至悅字

八十畝

現無僧地歸學

民國十七年由寺內設立培英
小學校以地為基金

按雲門法眼兩派縣境無此僧侶故從闕

道教

道家以老子爲教宗其所著道德經研究中國哲學者視爲圭臬自漢張道陵託名老子以丹鼎符籙蠱惑愚衆嗣後遂漸成邪教如白蓮教八卦教義合拳紅槍會等皆其支流遺孽查道教宗譜載該教至元代時由東華帝君傳王重陽再傳邱處機劉處玄譚處瑞馬珏郝大通王處一孫不二遂分七派曰龍門派隨山派南無派遇仙派華山派崑山派孫派獲嘉道教係龍門派以邱處機爲宗元至正間舊處衛輝府廣福萬壽宮前清康熙初年其第十一世道人康一煥始由衛輝府比干廟遷居獲嘉縣南大官庄玉帝廟後十餘年復遷居城內城隍廟宗支繁盛不下數十人本縣西關呂祖廟同盟山武王廟皆爲該派支流餘裔其祖塋尙在大官庄北地民國初年破除迷信該教道士多被驅逐廟中地土充公廟宇改作機關酌撥地土少許留一二人以延教脈試將該教世數人數列表如下

獲嘉縣道教世數人數一覽表

世數	姓名	人數	備考
第一世	康一煥	一人	
第二世	周陽惠等	八人	
第三世	楊來祥等	六人	
第四世	陳復恭等	四人	
第五世	陳本吉等	四人	
第六世	杜合榮等	六人	
第七世	蘇教方等	九人	
第八世	韓永祥等	十二人	
第九世	蘇元璋等	五人	
第十世	盧明旺等	十二人	

第十一世

楊至亮等
陳至美等

四

人

回教

回教以崇天道驅惡魔尙清潔重團體爲宗旨其教主爲麥克人摩罕默德教典曰可蘭經唐太宗時已傳入中國顏其寺曰清真主教之人曰阿衡信奉者以甘肅陝西雲南等省爲最河南回教半係元代兵裔獲嘉回教亦係此輩支流教中人聚族而居禁飲酒食豕肉婚葬必延阿衡諷經因飲食起居之不同迄今與漢族通婚姻者尙少茲將獲嘉縣回教人數地址列表如下

獲嘉縣回教人數地址簡明表

地 址	姓 氏	戶 數	備 考
縣城東關	買 姓	一 戶	
縣城東關	李 姓	二 戶	
縣城東關	曹 姓	一 戶	

縣城東關 張 姓二 戶

縣城東關 王 姓一 戶

按縣城東關東南隅有該教清真寺一所爲阿衡常川駐居地

地 址 姓 氏 戶 數 備 考

中和鎮 王 姓七 戶 亢村鎮尙有回民數戶待考

中和鎮 丁 姓一 戶

中和鎮 程 姓一 戶

中和鎮 艾 姓八 戶

中和鎮 楊 姓二 戶

按中和鎮內有該教清真寺一所爲該鎮回民延請阿衡常駐地

耶蘇教

耶蘇一名基督猶太人其教以平等博愛爲宗旨至東羅馬皇帝君士但丁即位時

認爲國教分亞力山大利亞安卻豈亞羅馬君士但丁堡四派惟羅馬派勢力澎漲漸稱教皇嗣因德皇亨利第四與教皇革勒格里第七政教衝突擾攘數百年德人路德爾乃倡宗教革命自是羅馬派耶教遂分爲二

一曰天主教 羅馬派耶教之舊教也元代傳入中國清光緒二十八年由修武縣教徒傳入獲嘉就縣南中和鎮設立天主堂一所教士費清霖係意國人縣紳南王官營楊守貞首先奉教信道極篤迭經傳播縣南一帶奉天主教者約二千人亢村亦有天主教堂一所係鎮民蘇景賢開創張來昇接辦奉教者約二三十家一曰福音教 羅馬派耶教之新教也清嘉慶十二年此派始入中國至光緒二十六年始由衛輝傳入獲嘉在獲城北西關設立福音堂一所教士葛德海係英屬坎拿大人縣民王學聰曾經入教奉教者約二百人

按獲嘉宗教除佛道回耶四教外尙有在理教專以戒斷烟酒爲事同善社託名儒釋道三教實則專以默坐練氣爲功雖經傳播然信奉者終屬寥寥較之各大

宗教則瞠乎後矣故不具列云

禮俗

冠禮

禮男子年二十冠而字之敬其名也字辭曰伯某甫仲叔季惟其所當亦有欲示教誠別爲字說並有戚友譔字相貽者今縣俗冠禮久不行男子名字多自譔近又有不用名而以字行者

禮女子許嫁笄而字許嫁則十五而笄未許則二十而笄今縣俗於待嫁日始笄謂之上頭

婚禮

禮男女非有行媒不相知名今縣俗婚姻先通媒妁猶有古意近自新學說倡男女有自由結婚者然惟一二新學界有之餘則否

禮賓執鴈請問名將歸卜其吉凶今縣俗由戚友介紹通計門第輩行以成婚不復

行問名禮矣

禮下達納采用鴈納吉如納采禮納吉而後婚定今縣俗婿家以待卜良辰納采貴府等詞用銷金貼子行聘女家答亦如之謂之曰定親

禮使者立端至主人如賓服迎於門外三揖三讓今縣俗亦有以名帖庚帖彼此交拜者

禮婚期用鴈主人辭賓許告期今縣俗婿家於完婚前請女父兄擇吉俗曰看好禮納徵立纁束帛儷皮如納吉禮今縣俗於吉期前數日婿家邀請媒妁以首飾幣帛羊酒之屬送女家女家以男服飾等物答之雖儉不缺禮謂之過禮亦曰下啓禮親迎主人爵弁纁裳墨車婦車如之有棹今縣俗用肩輿亦間有乘車者然最鮮禮主人揖入賓執鴈從至於廟門賓升北面奠鴈再拜稽首既奠鴈御輪而先歸今縣俗親迎時必先備禮盒送婦家另延一鄉先達引禮既至請朝祖女父爲婿披綵簪花與婦同歸

禮御婦車授綏御輪三周今縣俗此禮已久廢矣

禮婦至主人揖以入升自西階腰布席於奧今縣俗由婿家預延健全婦人二名曰攬新人婦至由攬新人授以甌桴杵鏡之屬使抱之取德言容工四德之意也以紅氍籍地使新婦踏之曰新婦不踏土也以馬鞍當門使新婦騎之曰騎鞍鞍者安也吉祥如意也至中庭設香案與婿交拜曰拜天地由攬新人爲婦拆髮挽髻俗曰上頭實古笄禮也

禮贊告具揖婦即對筵皆坐皆祭今縣俗交拜後入寢室易妝行合卺禮俗謂之坐酒席

禮婚禮不賀人之序也今縣俗親友皆往賀且於合卺時極端談諧以爲娛樂
禮婚禮不用樂幽陰之意也今縣俗俱以鼓吹從由來已久莫悉所始

禮夙興婦沐浴俟見質明贊見婦於舅姑今縣俗次日婿率婦廟見拜舅姑及伯叔兄弟輩